



Broj: 09–Sl.20/13

Ilijaš, 07.11.2013. godine

Služba općinskog vijeća i općinskog načelnika

PREDMET: Odgovor na vijećničko pitanje

1. Direktan prijenos sjednica Općinskog vijeća implementacijom audio streaming usluge

U okviru projekta razvoja IT sistema Općine Ilijaš služba za zajedničke poslove je 01.07.2009. godine službi općinskog vijeća i općinskog načelnika uputila Prijedlog realizacije projekta snimanja i reemitovanja sjednica OV Ilijaš u programu JU Radio Ilijaš. Navedeni prijedlog je izrađen na osnovu analize tehničkih i finansijskih mogućnosti za realizaciju aktivnosti vezanih za emitovanje sjednica Općinskog vijeća Općine Ilijaš u programu JU Radio Ilijaš. S obzirom da realizacija predloženog projekata nije iziskivala nikakva dodatna finansijska sredstva pristupilo se realizaciji istog. Rezultati ovih aktivnosti su:

- realizacija tehničkog projekta bez ulaganja i dodatnih troškova (iskorišteni su postojeći kapaciteti opreme);
- povećanje stepena transparentnosti rada Općinskog vijeća (Radio Ilijaš u svom programu vrši reemitovanje svake sjednice Općinskog vijeća dan nakon održavanja iste);
- kreiranje arhive audio snimaka sjednica Općinskog vijeća (uposlenici službe općinskog vijeća i općinskog načelnika zaduženi za čuvanje);

U toku izrade navedenog Prijedloga razmatrana je i opcija direktnog prijenosa sjednica na nekoliko načina:

- nabavkom i instaliranjem TK opreme koja bi bila povezana na sistem JU Radio Ilijaš;
- angažovanjem JU Radio Ilijaš za kompletnu realizaciju (oprema, kadrovi...), a na bazi narudžbe usluge koja bi se plaćala;
- implementacijom usluge audio streaming-a na postojećoj internet stranici Općine Ilijaš;

Svaka od navedenih opcija iziskivala je dodatna finansijska sredstva. U prilog činjenici da za trenutno rješenje nije trebalo obezbjediti dodatna sredstva ide i činjenica da je u tom periodu vrlo mali broj općina emitovao sjednice općinskog vijeća na bilo kojem od medija i na bilo koji način (reemitovanjem ili direktno). Danas određeni broj općina (uglavnom koje imaju organizovane TV stanice na području svojih općina) vrše direktan TV prijenos.



Služba za zajedničke poslove

Za implementiranje audio streaming usluge na internet stranici Općine Ilijaš, a za potrebe emitovanja sjednica Općinskog vijeća i u skladu sa inicijativom Predsjedavajućeg Općinskog vijeća Ilijaš gospodina Damira Filibovića neophodno je:

- projektovanje i izvođenje LAN mreže u prostorijama u kojima se održavaju sjednice Općinskog vijeća, a zbog povezivanja na IT sistem Općine, odnosno na internet (postojeća oprema nije uvezana na IT sistem);
- rekonfiguracija postojećeg sistema za kontrolu i monitoring internet saobraćaja;
- narudžba i plaćanje usluge audio streaming-a sa odgovarajućim birate-om (trenutna prosječna cijena ove usluge, sa karakteristikama koje bi zadovoljile potrebe, je 20,00 KM/mjesečno);

Napomene radi, ako se analizira IT sistem Općine Ilijaš primjetno je da su uložena sredstva najvećim dijelom utrošena za troškove održavanja, a manji dio za razvoj i inovacije, a da su bez obzira na tu činjenicu pored održavanja i osnovnih funkcija razvijeni i implementirani novi servisi, kako za građane, tako i unutar organa uprave (reemitovanje sjednica Općinskog vijeća, uvezivanje matičnih ureda, izrada vlastitog intranet rješenja, servisi e-uprave, e-mail sistem, izrada i distribucija elektronske verzije materijala za općinsko vijeće, nove funkcionalnosti i opcije na internet stranici, itd., te drugi projekti koji su u fazi realizacije).

U skladu sa svim iznesenim i činjenicom da je planirana dogradnja sprata zgrade općine na kojem je planirana izgradnja moderne i funkcionalne sale za sjednice OV-a, smatramo da je bolje izraditi projekat i uraditi LAN MREŽU za novu salu i omogućiti ono što se tražili u svom vijećničkom pitanju.

2. Kreiranje „registra“ vijećničkih pitanja i inicijativa na internet stranici Općine Ilijaš

Kreiranje navedenog registra zahtjeva donošenje odluke o tome da li registar kreirati kao bazu podataka ili u vidu arhive elektronske dokumentacije koja se trenutno koristi.

U slučaju kreiranja baze podataka koja bi se koristila za pohranu vijećničkih pitanja i inicijativa (možda i odgovora na vijećnička pitanja) potrebno je određeno vrijeme za izradu i testiranje tehničkog rješenja, te za obuku korisnika koji će vršiti unos; Prednost ovakvog načina realizacije je stvaranje baze podataka koja bi olakšavala pregled i pretragu.

U slučaju da se registar kreira kao arhiva elektronske dokumentacije koja se trenutno koristi potrebno je da nadležna služba dostavlja postojeću elektronsku dokumentaciju po proceduri utvrđenoj u Pravilniku o korištenju informacionog i telekomunikacionog sistema i zaštite podataka Općine Ilijaš. Prednost ovakvog načina realizacije je to što bi se implementaciji moglo pristupiti odmah.

Šef službe
Senad Čustović